



小學生的一工

透早，日頭光對窗仔外照入來，親像日頭阿公叫我好起床矣，日頭曝尻川囉！我佢普通時仔全款，趁咧趁咧，食麩配牛奶。雄雄看時鐘，害矣！強欲袂赴矣。趕緊冊包揸咧從去學校，好佳哉拄好佇損鐘仔進前到位。

這個時代，佇學校毋但讀冊猶閣會當交朋友，佢朋友分享、講心事。毋才，踏入教室就感覺足親切的，看同學有的嗤舞嗤吡咧開講，有的認真咧討論功課，逐家攏足有精神的。

「有人興甜，有人興鹹。」所有的學科內底，有人佢意英語、有人愛華語，嘛有人感覺自然會當做實驗較刺激，閣有人運動細胞較發達，體育課對伊來講上奢颺。啊若我感覺數學上奇妙，老師攏會出一寡仔愛激頭腦的題目來予阮思考佢討論。有時陣伊愛靠公式來計算，有時陣又閣愛了解原理、用心思考，才有法度算出正確的答案。人講「一理通，萬理同。」若學會曉就會當增加家己的能力。

「噹！噹！噹！」下課矣。下課的時間雖然真短，毋過，學生上期待的顛倒是彼短短的十分鐘。聽著鐘仔聲，一大堆人攏從出來，運動埕、草埔仔頂，拍球的拍球，耍的耍。逐家袂輸烏仔放出籠，耍甲強欲反過。

四點放學，腹肚枵甲大腸告小腸。我敢若壁虎全款，點心揸咧用吞的，因為繼落來愛閣用真濟氣力來應付另外一個戰場。「規橫好好——無錯！」就是逐家攏知影的安親班。

這馬的學生實在真可憐，學校八點鐘上無夠，暗時安親班閣補來鬥。哎！猶是趕緊寫功課較實在，這是安親班的比賽制度，先寫好的有獎品。另外功課寫好猶有考試單仔愛寫，雖然逐家攏已經真忝，毋過，輸人毋輸陣，猶是工夫盡展拍拚寫。

功課寫好準備欲寫考試紙，煞看著阿母佇門口，若像看著救兵來救我，我大聲喝「阿母！」總算會當脫離苦海轉去厝，電視看甲歡喜，好好仔享受一個輕鬆的暗暝。上尾，予阿母一直趕才毋情毋願倒落眠床，戇神戇神咧相天篷，心肝內煞莫名其妙期待明仔載較緊到。

作者：林秋絨

☆詞彙學習☆

【照】tshiō：用聚光燈、手電筒等的光照亮。

【嗤舞嗤吡】tshi-bú-tshih-tshū：說話小聲怕別人聽見的樣子。

【奢颺】tshia-iānn：大派頭、大排場。因為擺排場或派頭，過於奢華而引人注目。

【激】kik：刺激。

【大腸告小腸】Tuā-tîg kò sió-tîg：形容人肚子很餓。

【揸】sa：動作粗魯，隨便就拿。

【戇神】gōng-sîn：眼神呆滯。

【天篷】thian-pông：天花板。